

終身修奉禮師三拜

次弟子行誅智慧五首讚改華唱善

太上玄虛宗 弘道尊其經 俯仰已得仙

歷劫無數齡 巍巍太真德 寂寂因無生

霄景結空構 乘虛自然征 日月為炳燭

要樂未央

學仙絕華念 念念相因積 去來亂我神

神躁靡不歷 滅念停虛閑 蕭蕭入空寂

請經若飢渴 持志如金石 保子飛玄路

五靈度符籍

濟我六度行 故能解三羅 清齋禮太素

吐納養雲芽 逍遙金闕內 玉京為余家

自然生七寶 人人坐蓮華 仰嚮玄都捺

俯舍空洞瓜 容顏曜十日 冥計年劫多

法鼓會天仙 鳴鐘徵大魔

靈風扇香華 燦爛開繁袿 太真撫雲璈

衆仙彈雲琴 雅歌三天景 散慧玉華林

七祖昇福堂 由此步玄音 前世德未足

斯書選難尋 信道情不盡 圖飛乃反沉

太上無為道 弘之在兆心

學道由丹信 奉師如至親 挹景偶清虛  
學學隨日新 衆人未得度 終不度我身

太上洞玄靈寶二部傳授儀

正一天師清微弟子 洪百堅 製作

道教學術資訊網站

洞玄靈寶八節齋啓儀

階九

法師冠帶執簡引道衆依位幡花幢節一

如常式

畫入戶祝叩齒三通呪曰

四明功曹通真使者傳言玉童侍靜素女為

我通達道室正神上元生氣入我身中說非

足左足右

夜入戶祝叩齒三通呪曰

四上功曹龍虎使者正一生氣侍靜素女夜

有所啓願得開童子上玄少女與我俱入

皇宮之裏通達所啓皆使上聞說非

次旋行遶高座一而還西向東平立

次都講唱各禮師存念如法

思經師所在之方心禮三拜願師得仙道我

身昇度

思籍師所在之方心禮三拜願師得飛仙為

我開度七祖父母早昇天堂我得道真昇入

無形

思度師所在之方心禮三拜願師得昇度上

登高仙為我開度五道八難名入仙錄我成

真人此六特行道皆先

清且行道思青雲之氣市滿齋堂青龍獅子  
備守所處仙童玉女天仙日月星宿五帝兵  
馬九億萬騎監齋直事三界官屬羅列左右  
威儀肅肅不有懈怠

日中行道當思赤雲之氣朱雀鳳凰備守前  
後市滿齋所

日入行道思白雲之氣市滿齋堂麒麟獅子  
白虎備守四方仙童玉女一如清旦之法又  
閉目內思五嶽五仙五帝備守身中金映蓋  
一體體作金色從肺後出項有圓光如日象  
使照明十方身中了然盡見內外六時並同

鳴法鼓二十四通

无上三天玄元始三炁太上老君召出臣等  
身中三五功曹左右官使者左右捧香驛龍  
騎吏侍香金童傳言玉女五帝直符直日香  
官各三十六人出闕啓此開土地里域真官  
並速出嚴裝臣今正爾燒香奉為大道弟子  
修建其節靈寶宿啓妙齋一日一夜三時行  
道三時轉經願得

太上十方正真生炁降流臣等身中令臣所  
啓遠達運御

太上無極大道至真玉帝御前

各稱名位

上清玄都大洞三景弟子奉行靈寶宿啓妙

齋法事臣某謹同誠上啓

虛无自然元始天尊無極大道太上道君太

上老君高上玉皇十方已得道大聖眾至真

諸君丈人三十二天帝玉虛上帝玉帝大帝

東華南極西靈比真玄都玉京金闕七寶玄

臺紫微上宮靈寶至真明皇道君玄中大法

師三界官屬一切神明臣等謹相携率奉為

大道弟子修其節靈寶宿啓妙齋即夜宿啓

法堂朝真騰奏開度齋主家九玄七祖亡靈

眷屬上為

皇帝宰輔大臣土地州牧縣宰次及經籍度

師旁及幽栖志士同學之人九親門族天下

人民螭飛蠕動蚊行喘息一切眾生今故燒

香歸身歸神歸命

太上無極十方靈寶自然至真無上大道伏

乞原赦齋主前世宿世今世生死宿罪重過

得免離三惡之道十苦八難九厄之中超度

輪迴早昇天堂次及家門眷屬長幼女男福

慶咸臻等壽無極臣等身得道真飛行虛空

白日昇天侍衛道君道遙無上金闕七寶玄

臺自然宮殿永與道合所啓玄感應聲上御

至真無極道前

禮十方

懺悔

臣等至心歸命

十方無極大道太上靈寶天尊奉為齋主第

子存亡兩代九族宗親仰慮稟性昏蒙行乖

正道或天傷物命違戾天常凡所云為罔知

避忌陰罪陽過無量無邊乞今燒香行道一

蒙蕩滌回凶成吉所願盡諧伏願法事通流

無諸違却方期悔謝蒙復感通稽首歸憑正

真三寶

禮經

三禮

重稱名位

上清玄都大洞三景弟子奉行靈寶宿啓妙齋法事臣某等謹重上啓

虛无自然元始天尊太上道君太上老君無上玄老十方靈寶天尊已得道大聖眾至真諸君丈人玄中大法師天師君上相上宰三界官屬一切神靈臣等兆劫垂因千生流俗獲聞玄教得悟化源三洞金書備詳奧妙五千深旨伏覽希夷而乃根地浮危智源膚淺不能遺形獨往永匿巖窟猶以小善為功莫先開度凡有來情理合申奏

讀詞

按如詞言情唯丹切仰憑大道開度存亡謹相携率滌慮洗心為修其節靈寶妙齋一日一夜三時行道三時轉經法天象地東燭焚香宿露懇誠冀其通感恩惟

太上三尊十方眾聖監齋大法師垂神鑒映省覽所陳乞勅勒靈寶官屬土地真官悉令同心併力營衛齋所滌蕩內外誅滅思賊令臣等心安神定招真致靈齋功克成無有窒礙敬依齋法說戒威儀使同齋之人咸服法

訓明晨行道續更啓闕

東向平立誦智慧頌北向首體投地迴心遍禮十方眾官東向法師西向說戒威儀如法

天尊告太上道君曰今當普宣法音開度羣生為諸男女解災却患請福度命拔諸苦根使生者見道身脫八難死者歡樂飲食天堂早生人中轉輪聖王修齋行道皆當一心請奉十戒諦受勿忘專精默念洞思自然勿得雜想擾亂形神能如是者便當靜聽

第一戒者心不惡妬無生陰賊檢口慎行想念在法

第二戒者守仁不殺愍念羣生慈愛廣救利及一切

第三戒者守貞讓義不淫不盜常行善念損已濟物

第四戒者不色不慾心無放蕩貞潔守慎行無玷汗

第五戒者口無惡言不華綺內外忠直不犯口過

第六戒者斷酒節行調和氣性神不損傷無犯眾惡

第七戒者不嫉人勝已爭競功名每事遜讓退身度人

第八戒者不得評論經教毀聖文躬心冰法常如對神

第九戒者不得鬪亂口舌評詳四輩天人咎悛損傷神氣

第十戒者舉動施為平等一心人和神穆行使常然

天尊言修奉十戒每合天心常行大慈願為一切普度厄世謙謙專教不得中怠寧守善而死不為惡而生於是不退可得拔度五道不履三惡諸天所護萬神所敬長齋奉戒自得度世

天尊言道尊法妙人身亦貴故道開法遺戒經文以度人人身身既度上與道同宜為精行持齋奉戒爽心靜默志念分明一意歸向專想不二滌蕩六府過中不三內外清虛每合自然是其齋日捨香啓願應心上徹四天

司選十部威神即下瞻履行道觀聽法音鑿  
映爾心如戒行道皆列功諸天禍福立彰道  
不負人勤行諦受勿使魔言

天尊言建齋行道四天帝王皆駕飛雲綠聯  
八景玉輿從真人玉女手把華幡前導鳳歌  
後從天鈞白鶴獅子嘯歌鬘鬘燒香散花淨  
空而來瞻履行道觀聽法音天王下降萬靈  
朝焉能如是者豈可不盡其法也先當受十  
戒然後行道序雅步靜心閉意坐起臥息  
不離儀格天王歡悅列名上清可謂得道方  
寸之間矣

### 復鑪

香音使者左右龍虎君侍香諸靈官當今修  
齋之所自然生金液丹碧芝英百靈聚真交  
會在此香火案前今齋生家眷康寧年壽延  
遠先亡遠逝咸獲超昇一切生靈共資休慶  
歲時蒙祐天下沾恩十方仙童玉女侍衛香  
煙傳臣向來所啓逕達

玉皇上帝御前

奉戒頌



小學仙讚

回向讚

於玄師前散如常儀

洞玄靈寶八節齋宿啓儀

正一天師清微弟子 洪百堅 製作

道教學術資訊網站

真

洞玄靈寶五老攝召北鄴鬼魔赤書玉訣

此赤書乃學道之士之切  
要惜其原闕尚俟考補

靈寶八威神策訣

當朱書三天太上召伏蛟龍虎豹山精文著  
一銀木板又書記年月師姓諱著一板上  
合二板納囊裏朱書次文著一板上著囊外  
凡三板合封為神策如傳之狀  
板悉用銀木長一尺四寸廣二寸四分以絳  
紋之繒作囊令長一丈二尺衣之封外板上  
下頭印口中元始五老之章

當以栢函絳文作衣函以請策文著別室  
燒香左右精心供養受以佩身天下神靈朝  
夕朝門給五帝玉童玉女各一十二人出入  
遊行五帝侍衛三界司迎生死無復三惡之  
難不經太山逕升九天衣飯自然位同太極  
要自成仙

受學道士佩此文施行神呪以策文指天天  
神下指地地祇朝拜三界東帶指神神禮指  
鬼鬼自滅夾指水水神通大劫敷交洪災四  
會以策召龍龍為負身長修積感神靈交會